

Home > GACE BRULÉ > EDIZIONE > Li consirrers de mon païs

---

# Li consirrers de mon païs

Linker 65,46; RS 1578

Mss.: M 38 = Gace Brulé; H 223 = Moniot d'Arras.

Metrica: a8 b8 a8 b8 a8 b8 b8 a8 (MW 776,14). *Chanson di 5 coblas unissonans* di 8 versi.

Edizioni: Petersen Dyggve 1951, p. 332.

- letto 678 volte

## Edizioni

- letto 418 volte

## Petersen Dyggve

I.

Li consirrers de mon païs  
si longuement me trait a mort,  
qu'en estranges terres languis,  
las, sanz deduit et sanz confort,  
et si dout mout mes anemis  
qui de moi mesdient a tort,  
maiz tant sent mon cuer vrai et fort  
que, se Dieu plaist, ne m'en iert pis.

II.

Ma douce dame, ne creez  
touz ceus qui de moi mesdiront.  
Quant vous veoir ne me poez  
de vos biauz iex qui soupris m'ont,  
de vostre franc cuer me veez.  
Maiz ne sai s'il vous en semont,  
quar tant ne dout rienz en cest mont  
con ce que vous ne m'oubliez.

III.

Par cuer legier de feme avient  
que li amant doutent souvent,  
maiz ma loiautez me soustient,  
donc fusse je mors autrement!  
Et sachiez de fine Amour vient  
qu'il se doutent si durement,  
quar nus n'aime seurement,  
et false est amours qui ne crient.

IV.

Mes cuers m'a guari et destruit,  
maiz de ce va bien qu'a li pens,  
et ce que je perdre la quit  
me fait doubler mes pensemens.  
Ensi me vient soulaz et fuit,  
et nonpourquant, selonc mon sens,  
penser a ma dame touz tens  
tieg je, ce sachiez, a deduit.

V.

Chanson, a ma dame t'envoi  
ançoiz que nus en ait chanté,  
et si li dites de par moi,  
gardez que ne li soit celé:  
? Se trecherie n'a en foi  
et trahison en loiauté,  
donc avrai bien ce qu'avoir doi,  
quar de loial cuer ai amé. ?

- letto 323 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

Source URL: <https://letteraturaeuropea.let.uniroma1.it/?q=laboratorio/li-consirrers-de-mon-pa%C3%AFs>